



TIPS PER IL DISCURS DA PRESCHENTAZIUN

Sche ti vegns envidà ad in discurs da preschentaziun, lura è tia annunzia stada persvadenta. Cunquai ch'il discurs da preschentaziun è fitg impurtant, vali la paina da sa preparar bain. Ti pos era exercitar il discurs da preschentaziun en in gieu da rollas. Fai era stim en quest connex sin tia posizion dal corp. E dal reminent èsi tut normal dad esser gnervus. Gist ord quai motiv èsi tant pli impurtant dad esser bain preparads.

Tips per la preparaziun

- Ti es seguir che ti enconuschas bain la via per che ti possias t'annunziar là 5 minutias avant il termin.
- Ti na portas betg vestgadira memia stravaganta. Elegia chaussas, en las qualas ti ta sentas bain e che van a prà cun tes giavisch da professiun e cun il manaschi. La vestgadira sto en mintga cas esser netta ed en in bun stadi.
- Ti sas il num da la persuna, tar la quala ti vegns a ta preschentiar.
- Ti es infurmà davart il mastergn.
- Ti has rimnà avunda infurmaziuns davart la firma. Ti chattas per exempli infurmaziuns sin la pagina-web da la firma.
- Ponderescha tge che t'interessescha vi da la professiun e pertge che ti es adattà per quella.
- Ti prendas cun tai in bloc da notizias, insatge da scriver, tes dossier d'annunzia e tia agenda.
- Tia has preparà las dumondas, per las qualas ti vuls survegnir ina resposta.

Sur da quai vegn discurri:

Has ti gia ponderà tge ch'ins ta pudess dumandar? Per exempli:

- Tge sas ti gia davart la professiun? Co e nua es ti t'infurmà davart la professiun?
- Has ti fatg fufragnadis? Tge experientschas has ti fatg là? Tge ta plaschì il meglier?
- Pertge vuls ti far in emprendissadi en questa professiun?
- Pertge vuls ti gist far en quest manaschi in emprendissadi? Tge sas ti davart il manaschi?
- Tge èn tes roms preferids en scola?
- Co sa sentas ti en scola? Fas ti gugent ils pensums e co ta pinas per examens?
- Adempleschas ti las premissas da scola e persunalas per quai mastergn?
- Tge èn tias fermezzas? Tgeninas van bain a prà cun la professiun?
- Tge èn tias flaivlezzas e co vas ti enturn cun quellas?
- Dumondas en connex cun tes cumportament da lavur: Es ti perseverants? Es ti engaschè e lavurus?
- Dumondas en connex cun tes cumportament envers auters carstgauns: Co sa mussa tia abilitad da lavurar en ina gruppà?
- Tge fas ti en tes temp liber?
- Es ti t'annunzià tar ulteriurs manaschis?

Noda era intgins dumondas che ti vuls tschentar al responsabel e prenda ellas cun tai. Qua intgins exempels:

- Tge èn ils differents pass da la scolaziun?
- Datti anc auters emprendists en il manaschi?
- Èsi pussaivel d'absolver la maturitat professiunala durant l'emprendissadi? Nua sa chatta la scola professiunala?
- Nua fiss mes plaz da lavur?
- Co guardass in di u in decurs da lavur tipic ora?
- Co èn ils temps da lavur?
- Co èn las schanzas da survegnir la plazza d'emprendissadi? Datti anc ulteriurs candidats/candidatas?
- Fin cura survegn jau resposta?

Tips durant il discurs

- Tschenta avant il discurs ora tes telefonin e na hajas nagin schlogn en bucca durant il discurs.
- Ina ferma strenschida da maun ed in surrir amicabel sco bainvegni fan adina buna impressiun.
- Guarda en ils egls da tes visavi e sesa u stai si dretg.
- Discurra cler e bain chapibel.
- Mussa interess e tschenta tias dumondas, sin las qualas ti vuls absolutamain ina resposta.
- Taidla cun attenziun e lascha discurrer a fin tes partenari da discurs.
- Tegn endament las chaussas impurtantas. Ti pos far notizias.
- Di la vardad ed evitescha exageraziuns.
- Hajas il curaschi da conceder che ti na sas tar ina dumonda speziala betg ina resposta.
- Na sajas betg memia schenà e passiv.
- Ta cumporta a moda e maniera naturala, sajas tatez.
- Engrazia a la fin che ti has survegnì la schanza da ta preschentar.
- Plidenta tiu partenari da discours tar siu num cu ti das adia.

Ti sas a la fin dal discurs cura che ti survegns part e co ch'i va lura vinavant. Noda ils puncs impurtants dal discurs!

Sche ti n'has betg survegnì in resun suenter duas emnas (u suenter il temp fixà) sas ti t'annunziar per telefon u per mail co ch'i stat areguard ti 'annunzia.

Films davart discurs da preschentaziun

Sin berufsberatung.ch dat i trais films davart il tema discurs da preschentaziun. Quels chattas ti sut:

berufsberatung.ch → Berufe → Videos suchen → *endatar el caum da retschertga "Vorstellungsgespräch"* → Treffer anzeigen.

► Ulteriuras infurmaziuns

e sustegn survegns ti en il CIP. L'adressa dal CIP en tia vischinanza chattas ti sut:

www.berufsbildung.gr.ch → Rumantsch → Sur da nus → Lieu ed adressa → Cussegliazion da professiun, da studi e da carriera, e-mail: biz@afb.gr.ch